

NODIADAU CYFARWYDDYD ALLANOL

Cronfa Cyfalaf Cerddoriaeth 3 (MCF 3)

Nodiadau Cyfarwyddyd Cais am Grant

Amserlen

15 Mai 2025	Agor y cynllun grant ar gyfer ceisiadau
26 Mehefin 2025	Dyddiad cau ar gyfer gwneud cais 12:00 (hanner dydd)

Bydd y nodiadau cyfarwyddyd hyn yn eich helpu i lenwi'r cais am gyllid ar gyfer Cronfa Cyfalaf Cerddoriaeth 3 (MCF 3) Cymru Greadigol.

1. Cymru Greadigol - Cyd-destun Strategol

Cymru Greadigol yw asiantaeth fewnol Llywodraeth Cymru ar gyfer hyrwyddo a thyfu'r diwydiannau creadigol yn y wlad. Ers ei sefydlu yn 2020, mae Cymru Greadigol wedi cefnogi amrywiaeth o lwyddiannau rhyngwladol ar draws y sectorau creadigol amrywiol, gan gynnwys teledu a ffilm, cerddoriaeth, gemau, animeiddio a chyhoeddi.

Mae'r Diwydiannau Creadigol yn un o straeon llwyddiant Cymru. Maent yn creu swyddi a chyfoeth, yn cyfrannu at frand cenedlaethol cryf, ac yn hyrwyddo Cymru yn fyd-eang. Mae Cymru Greadigol wedi'i sefydlu'n benodol i gefnogi twf y diwydiannau creadigol yng Nghymru ymhellach ac i gynnig gwasanaeth symlach, deinamig ac arloesol i'r sector.

Uchelgais Cymru Greadigol yw sicrhau bod Cymru yn y sefyllfa orau i greadigrwydd ffynnu drwy sbarduno twf ar draws y diwydiannau creadigol, adeiladu ar lwyddiant y presennol, a datblygu talent a sgiliau newydd.

Mae themâu blaenoriaeth Cymru Greadigol yn cynnwys:

- **Canolbwyntio ar Dwf** – parhau i sbarduno twf y sector creadigol yng Nghymru gyda ffocws wedi'i dargedu'n rhanbarthol ac ar sectorau penodol;
- **Cefnogi Sgiliau** – sicrhau ein bod yn meithrin y sgiliau cywir ar draws y sector i gefnogi twf parhaus a gweithio'n agos gyda'r diwydiant;
- **Amrywiaeth i bawb** – hyrwyddo sector amrywiol sy'n darparu cyfleoedd a chyd-raddoldeb i bawb, ac ar y cyd â'r diwydiant, codi safonau a hyrwyddo amrywiaeth a chyd-raddoldeb ar draws y sector;

- **Cymorth Effeithlon i'r Sector** – parhau i ymateb ac adweithio i anghenion newidiol y sector drwy ddatblygu cynlluniau cyllido i dargedu cymorth i'r diwydiant creadigol a sicrhau ein bod yn gallu ymateb ar yr un cyflymder ag mae'r sector hwn yn gweithio ynddo;
- **Adeiladu ar y Brand** – parhau i ddatblygu'r brand wrth farchnata a hyrwyddo'r diwydiannau creadigol yng Nghymru i'r byd a chyfraniad y diwydiannau creadigol at ein henw da a'n llwyddiant yn fyd-eang.

Mae'r diwydiant cerddoriaeth wedi cael ei nodi fel is-sector sy'n flaenoriaeth allweddol, ac mae yna rhaglen o gefnogaeth i'r diwydiant cerddoriaeth sy'n cael ei ddarparu, neu ei ddatblygu, ac mae MCF 3 yn elfen bwysig o hynny.

Pwrrpas y Gronfa

Mae busnesau cerddoriaeth yn llwyfan allweddol ar gyfer datblygu, meithrin a thyfu talent cerddorol. Mae'r diwydiant cerddoriaeth fyw yn hanfodol i ddatblygiad cerddorion a chynulleidfaoedd ledled y wlad.

Nod y gronfa yw annog busnesau cerddoriaeth i nodi rhannau o'u sefydliad a gweithrediadau sydd angen buddsoddiad cyfalaf na fyddai'n bosibl heb gymorth gan y gronfa, oherwydd cyfyngiadau ariannol presennol.

Pwrrpas yr MCF 3 yw i fusnesau cerddoriaeth bach a chanolig allu gwneud cais am gyllid a fyddai'n mynd tuag at wella cynaliadwyedd a rhagolygon masnachol y busnes; ac o ganlyniad, cyfrannu at ddatblygiad a thwf y diwydiant cerddoriaeth yng Nghymru.

Pwy all wneud cais?

2. Pwy all wneud cais?

- Rhaid i'r cais ddod gan fusnes cerddoriaeth yng Nghymru – a lle mai'r prif swyddogaeth yw cynnal, hyrwyddo, recordio neu ymarfer cerddoriaeth fyw (ond lle nad celfyddydau sy'n cael cymhorthdal yw'r prif fath o cerddoriaeth).
- Rhaid bod y prosiect yn cyfrannu'n uniongyrchol neu'n anuniongyrchol at hyrwyddo, cynnal ac ati gerddoriaeth fyw.
- Rhaid i'r ymgeiswyr fod yn berchnogion ar yr eiddo dan sylw neu, os ydynt yn denantiaid, rhaid iddynt gael caniatâd y perchnogion i wneud y gwaith.
- Rhaid i'r prosiect gael ei gyflawni erbyn 28 Chwefror 2026.
- Rhaid bod â phencadlys yng Nghymru yn y sector Cerddoriaeth cymwys;
- Rhaid i'r cais gael ei wneud gan y busnes.
- Os oes perygl bod y busnes ar fin cau, nid yw'r busnes yn gymwys i wneud cais.
- Rhaid i ymgeiswyr fod yn fusnesau neu'n elusennau cofrestredig sydd wedi bod yn masnachu am o leiaf 12 mis.
- Rhaid bod wedi cofrestru at ddibenion TAW os yw trosiant y busnes yn fwy na £90,000, neu fod yn sector sydd wedi'i eithrio rhag TAW. Ceir manylion am eithriadau rhag TAW yn: <https://www.gov.uk/guidance/vat-exemption-and-partial-exemption>

Unig Fasnachwyr / Partneriaethau – Meini Prawf Cymhwysedd i Ymgeisio

- Os ydych chi'n ddatblygwr ar eich liwt eich hun ar hyn o bryd, mae'n rhaid bod gennych chi ddigon o brofiad proffesiynol a rhwydwaith cadarn o gontractwyr talentog yn y DU sy'n barod i ymuno'n gyflym;
- Gall unig fasnachwyr nad ydynt yn cyflogi unrhyw staff eraill wneud cais os ydynt yn bodloni'r holl feini prawf eraill. I gefnogi eu cais, bydd gofyn i'r ymgeiswyr hyn gyflwyno copi o'u Ffurflen Dreth Hunanasesiad ddiweddaraf sy'n dangos yr enillion a'r dreth sy'n ddyledus, a thystiolaeth bod y taliad wedi'i wneud;
- Rhaid i chi dalu gweithwyr newydd sy'n gysylltiedig â'r cais hwn drwy Talu Wrth Ennill (TWE);
- Os mai dim ond 1 person rydych chi'n ei gyflogi, rhaid ei dalu drwy Talu Wrth Ennill;
- Sylwch fod yn rhaid i'r 1 gweithiwr fod yn Gyfwerth ag Amser Llawn (FTE) a gweithio o leiaf 30 awr yr wythnos. Gall hyn gynnwys staff rhan amser ond rhaid iddo fod yn gyfwerth ag o leiaf 1 FTE. Hynny yw, rhaid i gyfanswm yr oriau mae gweithwyr rhan-amser yn eu gweithio'n rheolaidd gyfateb i 30 awr neu fwy yr wythnos;
- Nid ydym yn cefnogi defnyddio contractau dim oriau. Os yw'r rhain yn cael eu defnyddio, ni ddylid eu gosod yn unochrog, a dylid cynnig contract oriau gwarantedig i weithwyr.

Cwmni Cyfyngedig – Meini Prawf Cymhwysedd i Ymgeisio

- Rydych chi'n gwmni Cyfyngedig ar 1 Ebrill 2024;
- Rydych chi'n cyflogi rhwng 1 a 249 o weithwyr drwy Talu Wrth Ennill ar 1 Ebrill 2024;
- Os mai dim ond 1 person rydych chi'n ei gyflogi, gall hwn fod yn berchennog y busnes, ond rhaid ei dalu drwy Talu Wrth Ennill;
- Sylwch fod yn rhaid i'r 1 gweithiwr fod yn Gyfwerth ag Amser Llawn (FTE) a gweithio o leiaf 30 awr yr wythnos. Gall hyn gynnwys staff rhan amser ond rhaid iddo fod yn gyfwerth ag o leiaf 1 FTE. Hynny yw, rhaid i gyfanswm yr oriau mae gweithwyr rhan-amser yn eu gweithio'n rheolaidd gyfateb i 30 awr neu fwy yr wythnos;
- Nid ydym yn cefnogi defnyddio contractau dim oriau. Pan fydd y rhain yn cael eu defnyddio, ni ddylid eu gosod yn unochrog, a dylid cynnig contract oriau gwarantedig i weithwyr.

Bydd angen i geisiadau gan fusnesau cerddoriaeth ddangos mai eu prif swyddogaeth yw rhaglennu, recordio neu gael eu defnyddio i ymarfer cerddoriaeth wreiddiol, a chynnal a/neu hyrwyddo digwyddiadau cerddoriaeth fyw o natur fasnachol. Gall y gerddoriaeth sy'n cael ei chynnal, ei recordio, ei hymarfer neu ei hyrwyddo gan y busnes ddod o bob math o genre cerddorol boblogaidd gyfoes (electronig; hip-hop; indi ac amgen; metel a phync; pop; roc; ac ati).

Ni fyddai busnesau sy'n bennaf yn cynnal/hyrwyddo genres o gerddoriaeth sy'n cael chymhorthdal yn gymwys ar gyfer y gronfa hon, gan fod cymorth ar gyfer y genres hyn yn bodoli mewn mannau eraill (Cyngor Celfyddydau Cymru yn bennaf).

Ni allwn gefnogi ceisiadau gan fandiau, rheolwyr, hyrwyddwyr nac asiantau unigol. Ar ben hynny, dim ond y perchnogion sy'n gyfrifol am redeg y busnes fydd yn gymwys i wneud cais am y cyllid hwn.

- Rhaid i ymgeiswyr fod yn gweithredu yn y sector Cerddoriaeth yng Nghymru a gallu dangos bod y cais yn strategol bwysig ar gyfer llesiant hirdymor y lleoliad a'r diwydiant cerddoriaeth lleol.
- Rhaid i ymgeiswyr fod wedi'u lleoli, yn gweithredu ac yn cyflogi staff yng Nghymru.
- Rhaid i ymgeiswyr fod yn gallu cynhyrchu o leiaf un flwyddyn o gyfrifon wedi'u hardystio'n gwbl annibynnol neu ddatganiadau ariannol archwiledig (nid oes angen i chi fod wedi cofrestru ar gyfer TAW os yw cyfanswm eich trosiant yn is na'r trothwy cofrestru).
- Rhaid i ymgeiswyr fod yn berchnogion ar yr adeiladau sy'n destun y gwelliannau neu, os ydynt yn denantiaid, rhaid iddynt gael caniatâd gan y perchnogion i wneud y gwaith a rhaid iddynt fod â chytundeb prydles am o leiaf bum mlynedd ar ôl i'r gwaith cael ei gwblhau.
- Os yw'n briodol, rhaid i ymgeiswyr bod â chaniatâd cynllunio ar gyfer y gwaith arfaethedig.

Yr hyn allwch chi wneud cais amdano?

Gall ymgeiswyr ofyn am rhwng **£10,000** a **£40,000** ar gyfer prosiectau a fydd yn gwella rhagolygon masnachol y busnes ei hun, ac bydd yn cefnogi twf y diwydiant cerddoriaeth yng Nghymru, naill ai'n uniongyrchol neu'n anuniongyrchol.

Gall Cymru Greadigol gefnogi hyd at 100% o gostau cymwys, ond bydd Llywodraeth Cymru yn blaenoriaethu ceisiadau sy'n defnyddio **arian cyfatebol**. Yn ogystal, cewch eich annog i geisio sicrhau arian cyfatebol o'r tu allan i'r sector cyhoeddus i gynyddu'r effaith ac i gefnogi eich cais.

Mae costau cymwys yn gymwys ar gyfer blwyddyn ariannol 2025/26 hyd at 31 Mawrth 2026. Ni ellir ystyried costau ôl-weithredol nac estyniadau y tu hwnt i'r amserlen hon ar hyn o bryd. Mae blwyddyn ariannol Cymru Greadigol yn dechrau ar 1 Ebrill 2025 ac yn dod i ben ar 31 Mawrth 2026.

Dim ond un cais a ganiateir fesul cwmni. Os ydych chi eisoes yn derbyn cyllid ar gyfer prosiect arall, cysylltwch â Cymru Greadigol cyn gwneud cais.

Nid oes rhaid ad-dalu'r cyllid; fodd bynnag, bydd methu â chyrraedd targedau penodol (fel cynnyrch anghyflawn, oedi sylweddol, neu wybodaeth goll mewn hawliad) yn golygu y byddwn yn adennill arian.

Caiff pob cais ei adolygu'n unigol, ac mae gan Lywodraeth Cymru ddisgresiwn llwyr o ran taliadau grant.

Ystyriaethau cyffredinol y prosiect

- Mae prosiect yn cael ei ystyried i fod yn weithgaredd sydd wedi'i gyfyngu gan amser, gyda dyddiad dechrau a dyddiad gorffen clir. Felly, ni ellir defnyddio'r

gronfa ar gyfer rhywbeth sy'n barhaus a/neu sy'n gysylltiedig â rhedeg y busnes o ddydd i ddydd.

- Rhaid i geisiadau gynrychioli gwerth da am arian a bydd hyn yn rhan o'r asesiad. Dylech chi wneud cais am yr hyn sydd ei angen arnoch yn unig ac nid am yr uchafswm, oni bai mai'r uchafswm yw'r swm sydd ei angen.
- Derbynnir ceisiadau ar gyfer prosiectau sy'n gofyn am o leiaf £10,000 o grant a hyd at uchafswm o £40,000 o grant. Bydd angen tystiolaeth o arian cyfatebol ar gyfer unrhyw brosiectau sy'n fwy na £40,000.
- Rhaid i gostau sydd wedi'u hamcangyfrif cael eu hategu gan ddyfynbrisiau cydnabyddedig a chaniatâd cynllunio lle bo angen.
- Ni ddylid cynnwys asedau symudol.

Dyma enghreifftiau o wariant:

Gwelliannau i'r adeilad a gwelliannau strwythurol

Bydd y mathau o brosiectau o dan y pennawd gweithgaredd hwn yn gysylltiedig â gwneud gwelliannau sylweddol i strwythur safle'r busnes yn bennaf, yn enwedig lle mae angen penodol i foderneiddio elfennau allanol er mwyn helpu i ddenu cynulleidfaoedd newydd a/neu dalent cerddorol.

Gallai enghreifftiau o'r mathau o brosiectau o dan y pennawd gweithgaredd hwn gynnwys y canlynol:

- Gwella hygyrchedd y lleoliad, yn enwedig ar gyfer Cwsmeriaid sydd â nam corfforol.
- Gwneud ardaloedd perfformio yn wrthsain.
- Moderneiddio'r addurn, yn enwedig elfennau'r adeilad sydd ar gyfer y cyhoedd.
- Gwelliannau/gosodiadau sylweddol – e.e. cyfleusterau cyhoeddus, aerdymheru, gwaith i wrthsefyll y tywydd.
- Gwelliannau sylweddol i ystafelloedd gwyrdd i artistiaid, neu adeiladu rhai o'r newydd.
- Gwaith atgyweirio ar amlen yr adeilad i atal dirywiad pellach o ran cyflwr a cholled o arwyddocâd; (*Gwaith strwythurol, sefydlogi a diogelu dros dro, gwaith to, atgyweirio gwaith plwm, adnewyddu systemau gwaredu dŵr glaw, atgyweirio gwaith maen, gwaith saernïaeth allanol, gorffeniadau diogelu*).
- Gwaith atgyweirio, yn fewnol ac yn allanol, sy'n cefnogi cynigion i ddefnyddio'r ased unwaith eto: (*Yn ogystal â'r gwaith a restrir uchod, gwaith atgyweirio pren, gwaith plastro, atgyweirio gwaith saernïaeth mewnol*).
- Gwaith i amrywio'r hyn y mae'r adeilad yn ei gynnig er mwyn gwneud yr adeilad yn fwy masnachol.

Gwella profiad defnyddwyr/cynulleidfa cyflenwol

Yn ogystal â'r gwaith cyfalaf mawr, bydd buddsoddiadau cyflenwol sy'n gysylltiedig â gwelliannau ychwanegol i safle'r busnes sy'n cyfrannu at gyfoethogi profiadau

cynulleidfaoedd sy'n talu o ddigwyddiadau cerddoriaeth fyw neu brofiadau ddefnyddwyr y lleoliad, y stiwdio neu'r man ymarfer yn cael eu hystyried.

Gallai enghreifftiau o'r mathau o brosiectau o dan y pennawd gweithgaredd hwn gynnwys y canlynol:

- Newid goleuadau yn gyfan gwbl neu osod goleuadau newydd.
- Rhoi llawr newydd yn lle llawr sy'n hen neu sydd wedi'i ddifrodi.
- Rhoi cyfarpar neu systemau PA newydd yn lle rhai hen (gosod).

Ni chewch wneud cais am y canlynol

Ni ellir gwneud ceisiadau ar gyfer y canlynol:

- Cyflogau staff.
- Rhent neu gyfleustodau.
- Ardrethi busnes.
- Costau cychwyn, e.e. offer a swyddfa, costau recriwtio ac ati.
- Costau sy'n codi cyn dyddiad dechrau'r cyfnod cyllido (ar ôl i ni dderbyn y llythyr cynnig wedi'i lofnodi).
- Costau dileu swyddi.
- TAW y gellir ei hawlio'n ôl.
- Ffioedd cyfreithiol.
- Costau sy'n gysylltiedig â chynllunio.
- Lle nad yw gweithgarwch y prosiect yn mynd tuag at wella'r lleoliad cerddoriaeth llawr gwlad mewn unrhyw ffordd.
- Offer bach symudol oni bai y dangosir bod eu hangen er mwyn gallu cyflawni'r prosiect yn gyffredinol.
- Dymchwel, oni bai bod angen hynny.
- Unrhyw waith a ddechreuwyd cyn dyfarnu'r cyllid.
- Prynu tir neu adeiladau.
- Astudiaethau dichonoldeb.
- Gwariant nad yw'n wariant cyfalaf.
- Costau sy'n gysylltiedig â hyrwyddo credoau mudiadau gwleidyddol neu ffydd.
- Unrhyw fath o weithgaredd a allai, yn ein barn ni, ddwyn anfri ar Lywodraeth Cymru.
- Costau wedi'u hariannu o ffynonellau eraill o arian cyhoeddus.
- Dyled hanesyddol (cyn 1 Ebrill 2024).
- Swm ar gyfer incwm a gollwyd neu i ail-chwyddo eich cronfeydd wrth gefn.
- Prosiectau sy'n dibynnu ar lafur am ddim neu sy'n ei annog.

Ar ben hynn, ni ellir defnyddio'r arian i reoli a chydbwyso cyfrifon o fewn gwahanol weithrediadau'r un busnes. Er enghraifft, os yw lleoliad cerddoriaeth yn gweithredu un cyfrif ar gyfer cerddoriaeth fyw ac adloniant, ac un arall ar gyfer arlwydo.

Dim ond ceisiadau gan fusnesau sydd wedi bod yn masnachu am o leiaf 12 mis fydd yn cael eu derbyn, gyda chyfrifon priodol wedi eu ffeilio gyda Thŷ'r Cwmniau am y cyfnod hwnnw.

Hefyd, ni ellir defnyddio'r gronfa fel arian cyfatebol ar gyfer cais arall i Lywodraeth Cymru am gyllid.

Hefyd, ni chaiff busnesau sydd wedi'u clustnodi i'w cau, neu sydd mewn perygl o gau, wneud cais. Rhaid i ymgeiswyr llwyddiannus barhau i weithredu am o leiaf 12 mis ar ôl cael unrhyw gyllid. Os caiff busnes ei werthu neu ei ailgyfeirio, mae Llywodraeth Cymru yn cadw'r hawl i adennill unrhyw gyllid sydd wedi cael ei ddarparu.

Bydd angen i bob ymgeisydd gyflwyno cyfrifon busnes perthnasol, yn ogystal â datganiadau banc ar gyfer y tri mis diwethaf, fel rhan o'r broses ymgeisio. Bydd yr wybodaeth sy'n cael ei rhoi yma, ac mewn dogfennau perthnasol eraill, yn cael ei defnyddio i bennu a yw'r busnes yn anghymwys i gael cyllid o ganlyniad i'w amgylchiadau ariannol.

Faint o arian allwch chi wneud cais amdano?

Pwrrpas y cyllid yw cefnogi gwaith cyfalaf sylweddol, felly gellir gwneud ceisiadau am gyllid gan yr MCF 3 am grant sy'n isafswm o £10,000 ac uchafswm o £40,000.

Os yw'r prosiect yn fwy na £40,000, rhaid i ymgeiswyr allu darparu tystiolaeth o gyllid ychwanegol.

Rheoli cymorthdaliadau yn y DU

Rhaid i chi sicrhau bod y cyllid yn cael ei ddefnyddio yn unol â'r cytundebau perthnasol sydd yn rheolau Sefydliad Masnach y Byd, Cytundeb Masnach a Chydweithredu'r DU-UE, unrhyw Gytundeb Masnach Rydd sy'n cynnwys y DU, Protocol Gogledd Iwerddon ac unrhyw ddeddfwriaeth ddomestig berthnasol. Fel rhan o'ch cais, bydd angen i chi ddarparu manylion unrhyw gyllid blaenorol y mae eich busnes wedi'i dderbyn.

Os byddwch yn llwyddiannus, bydd eich cais yn cyfrif fel Cymorth Ariannol Lleiaf (MFA) yn unol â Rhan 3 Pennod 2 o Ddeddf Rheoli Cymorthdaliadau 2022 (neu SAFA* /cymorth de minimis yn flaenorol), yn unol ag Erthygl 3.2 paragraff 4 o Gytundeb Masnach a Chydweithredu'r DU-UE. Mae hwn yn cyfyngu ar faint o gymorth y gall busnes ei dderbyn gan y wladwriaeth.

Os ydych wedi derbyn MFA, SAFA neu de minimis yn y gorffennol, dylech fod wedi cael hysbysiad ysgrifenedig pan gawsoch y cymorth hwnnw. Bydd angen i chi ychwanegu'r dyfarniad hwn at gyfanswm cyffredinol eich MFA dros y tair blynedd ariannol ddiwethaf. Rhaid iddo fod yn llai na thua £315,000 ynghyd ag unrhyw ddatganiadau neu hawliadau MFA yn y dyfodol, a rhaid i chi ddatgan y swm i ni yn ystod y cam ymgeisio.

Chi sy'n gyfrifol am sicrhau bod y Dibenion yn cael eu darparu yn unol â'r meini prawf Cymorth Gwladwriaethol y dyfernir y cyllid arnynt.

Os byddwch yn croesi'r trothwy hwn, yna chi fydd yn wynebu unrhyw gamau gweithredu a ddaw yn sgil hynny, gan gynnwys ad-dalu'r cymorth a dderbyniwyd.

I gael rhagor o wybodaeth, edrychwch ar y [Canllawiau Statudol ar Drefn Rheoli Cymorthdaliadau'r DU](#)

Sut bydd y broses ymgeisio'n gweithio?

Amserlenni

15 Mai 2025	Agor y cynllun grant ar gyfer ceisiadau
26 Mehefin 2025	Dyddiad cau ar gyfer gwneud cais 12:00 (hanner dydd)

Y Broses Ymgeisio

Sylwer - nid yw trafod eich prosiect gydag aelod o'r tîm yn awgrymu cymeradwyaeth nag asesiad o'ch cynnig. Mae hon yn gynllun cystadleuol lle bydd pob prosiect yn cael ei asesu a'i sgorio yn erbyn meini prawf safonol.

Gwneir ceisiadau ar gyfer MCF 3 gan ddefnyddio Ffurflen Gais MCF 3. Ar ôl ei llenwi byd angen ei chyflwyno i Cymru Greadigol, ynghyd â dogfennau ategol perthnasol (e.e. cyfrifon ariannol a datganiadau banc yn ogystal â dyfynbrisiau cydnabyddedig ar gyfer cost y prosiect).

Rhaid i ymgeiswyr sicrhau y byddant yn gallu cyflawni eu prosiect cyn 28 Chwefror 2026.

Bydd Diwydrwydd Dyladwy yn cael ei gynnal ar bob cais. Bydd hyn yn cynnwys adolygiad o'ch rhagamcanion ariannol, archwiliad twyll, ac archwiliadau ar Gyfarwyddwyr eich cwmni. Os ydych chi'n ymwneud â busnes sydd mewn dyled i Lywodraeth Cymru, mae'n annhebygol y byddwch yn gallu gwneud cais am ragor o gyllid a dylech drafod hyn â ni cyn gwneud unrhyw gais.

Mae hwn yn grant cystadleuol ac ni fydd pob cais yn cael ei gymeradwyo. Ni ddylech ddechrau ar y prosiect nes bod eich cais wedi'i gymeradwyo a bod llythyr cynnig wedi ei anfon. Os byddwch yn gwneud hynny, gallech annilysu eich cais yn llwyr, hyd yn oed os byddwch yn llwyddiannus.

Y ffurflen gais

Mae 6 adran i'r ffurflen gais:

Adran 1 – Manylion yr Ymgeisydd

Yn yr adran hon, mae'n rhaid i chi roi manylion unrhyw swyddi ar adeg gwneud y cais a'r rhai hynny y rhagwelir y byddant yn cael eu diogelu neu eu creu o ganlyniad i'r cyllid grant hwn.

Adran 2 – Manylion y Prosiect

Yn yr adran hon, mae'n rhaid i chi egluro eich prosiect arfaethedig, pa effaith gaiff y grant ar y busnes a sut y bydd yn helpu i gefnogi cynaliadwyedd eich busnes.

Bydd gofyn i chi egluro'r cyhoeddusrwydd a'r marchnata sydd wedi'u cynllunio ar gyfer eich cynnig a sut y cânt eu gweithredu. Rhaid i chi hefyd gynnwys sut bydd y Gymraeg yn cael ei chynnwys yn eich prosiect a sut bydd yn cyfrannu at flaenoriaethau Llywodraeth Cymru ar gyfer y Gymraeg a'r targed o filiwn o siaradwyr Cymraeg erbyn 2050 fel y nodir yn Cymraeg 2050.

Gofynnir i chi hefyd ddangos sut bydd eich prosiect yn cyd-fynd ag Addunedau'r Contract Economaidd a pholisi Gwaith Teg Llywodraeth Cymru.

Mae 4 adduned yn y Contract Economaidd, ac yn yr adran hon, mae'n rhaid i chi egluro sut mae eich busnes yn cyd-fynd â 2 neu ragor o'r addunedau hyn. I'ch helpu i ddeall addunedau'r Contract Economaidd, edrychwch ar [Y Contract Economaidd | Busnes Cymru \(llyw.cymru\)](#).

Yn ogystal â'r adran ar Addunedau Economaidd, mae'r adran hon yn gofyn am eglurder ac ymrwymiad ar eich arferion gwaith teg. Mae gwaith teg yn golygu bod amodau amlwg yn bodoli yn y gwaith sy'n golygu bod gweithwyr yn cael eu gwobrwyo, yn cael eu clywed a'u cynrychioli, yn ddiogel ac yn gallu symud ymlaen mewn amgylchedd gwaith iach a chynhwysol lle caiff hawliau eu parchu.

Bydd y camau bydd sefydliad yn eu cymryd i fynd ar drywydd gwaith teg yn dibynnu ar amgylchiadau penodol y sefydliad hwnnw. Efallai na fydd rhai camau'n briodol nac yn ymarferol i bob sefydliad, mater i bob sefydliad yw penderfynu pa gamau sy'n addas.

Gweler hefyd [Canllaw i waith teg | LLYW.CYMRU](#) i gael rhagor o wybodaeth i'ch helpu i lenwi'r adran hon o'r cais.

Gofynnwn i chi hefyd ddisgrifio llinell amser y prosiect, yr adnoddau sydd eu hangen, unrhyw risgiau cysylltiedig a'r hyn y gallwch ei wneud i liniaru'r rhain.

Adran 3 – Gwybodaeth Ariannol

Yn yr adran hon bydd angen i chi roi manylion am gostau'r prosiect, ffynhonnell eich arian cyfatebol a faint o gyllid sydd ei angen arnoch i alluogi'r prosiect i fwrw ymlaen er mwyn i ni benderfynu ar hyfywedd y prosiect. Sylwer mai dim ond yr isafswm o gyllid sydd ei angen arnoch chi i alluogi cyflawni'r prosiect y gallwch chi wneud cais amdano, a bydd yn rhaid i chi lofnodi datganiad yn nodi hyn, cyn cyflwyno eich cais.

Adran 4 – Marchnata, cyhoeddusrwydd a'r Gymraeg

Yn yr adran hon bydd angen i chi ddarparu manylion am ba gyhoeddusrwydd fydd yn rhan o'r prosiect. Bydd yn rhaid i chi hefyd gadarnhau sut bydd y Gymraeg yn cael ei chynnwys a sut y bydd yn cyfrannu at flaenoriaethau Llywodraeth Cymru ar gyfer y Gymraeg a'r targed o filiwn o siaradwyr Cymraeg erbyn 2050 fel y nodir yn Cymraeg 2050.

Adran 5 – Rhestr wirio ar gyfer yr wybodaeth ofynnol

Gwnewch yn siŵr eich bod wedi cynnwys yr holl ddogfennau angenrheidiol yn ogystal â'r ffurflen gais.

Adran 6 – Datganiadau

Mae'n bwysig iawn eich bod wedi darllen y ddogfen ganllawiau hon ac yn deall y telerau ac amodau sy'n gysylltiedig â'r cais hwn am Grant gan fod hyn yn rhan o'r contract rhyngoch chi a Llywodraeth Cymru.

Os ydych chi'n cytuno â'r telerau ac amodau yn y ddogfen hon ac y gallwch chi gadarnhau bod yr wybodaeth sy'n cael ei rhoi yn y cais yn wir ac yn gywir, mae'n rhaid i chi roi tic yn y blwch a chyflwyno eich cais.

Mae hwn yn grant cystadleuol ac felly mae'r adran hon yn rhan bwysig iawn o'r cais gan y byddwn yn defnyddio'r wybodaeth a roddwch yma i sgorio hyfywedd ac effaith eich prosiect.

Ar ôl ei llenwi, cyflwynwch eich ffurflen gais a'r dogfennau ategol i CymorthAriannuCymruGreadigol@llyw.cymru.

Dylai ymgeiswyr nodi ei bod hi'n **bosibl gwrthod** ceisiadau sydd â data anghyflawn neu anghywir neu geisiadau heb y dogfennau ategol angenrheidiol.

Ni ddylech ddechrau ar y prosiect nes bod eich cais wedi'i gymeradwyo a'ch bod wedi derbyn llythyr cynnig. Os byddwch yn gwneud hynny, gallech annilysu eich cais yn llwyr, hyd yn oed os byddwch yn llwyddiannus.

Dogfennau Ategol

Bydd angen i geisiadau ar gyfer y Rownd MCF gyflwyno'r wybodaeth ganlynol ynghyd â ffurflen gais wedi'i llenwi:

1	Cyfrifon ariannol (y cyfrifon diweddaraf a'r cyfrifon rheoli os ydynt yn hŷn na 12 mis)
2	Cyfriflenni banc ar gyfer y 3 mis blaenorol i gadarnhau bod y busnes yn masnachu'n weithredol ac fel tystiolaeth o lif arian digonol
3	Dyfynbrisiau os yw'n berthnasol

3. Gwerthuso Prosiectau

Bydd Cymru Greadigol yn dyfarnu cyllid i geisiadau sy'n cyd-fynd â'n prif egwyddorion, fel y nodir yn y tabl isod. Er na fyddem yn disgwyl i brosiectau unigol gyflawni pob un o'r rhain yn uniongyrchol, rhaid i brosiectau gyflawni yn erbyn y meini prawf penodol ar gyfer y cynllun hwn. Bydd prosiectau sy'n targedu'r meysydd hyn yn uniongyrchol yn cael eu blaenoriaethu. Felly, dylid teilwra eich cais i ddangos sut rydych chi'n cyflawni'r rhain.

Prif egwyddorion cyllido Cymru Greadigol:
Dylai cyllid a ddyfernir i fusnesau:
Cydweddu Strategaethau Cyflawni ein blaenoriaethau ar gyfer y diwydiannau creadigol yng Nghymru – Bydd y cyllid yn cael ei ddarparu i gyflawni uchelgeisiau Cymru Greadigol ar gyfer y diwydiannau creadigol, a'r blaenoriaethau a nodir yn Rhaglen Lywodraethu Llywodraeth Cymru. Bydd yn manteisio i'r eithaf ar gyfleoedd i gefnogi sgiliau a datblygu talent, amrywiaeth a chynhwysiant yn ei ystyr ehangaf, gwaith teg, cynaliadwyedd, a hyrwyddo ein diwylliant a'r iaith Gymraeg. Bydd cyllid yn cael ei flaenoriaethu ar gyfer y prosiectau hynny sy'n gwneud gwahaniaeth i dirwedd y diwydiannau creadigol yng Nghymru yn y tymor canolig i'r tymor hir.
Creu'r manteision mwyaf i Gymru, gan gynnwys manteision economaidd Bydd cyllid yn cael ei dargedu at brosiectau sy'n sicrhau'r elw mwyaf posibl ar fuddsoddiad, i sicrhau bod cyllidebau cyfyngedig yn darparu'r gwerth gorau posibl i Gymru.

Ar ôl i chi gyflwyno eich cais cyflawn ac ar ôl dyddiad cau yr alwad, byddwn yn cynnal gwiriadau a gwerthusiadau o'r holl brosiectau sydd wedi dod i law. Rydym yn gobeithio rhoi gwybod i bob ymgeisydd am ein penderfyniadau cyn gynted â phosibl ar ôl dyddiad cau'r alwad.

Caiff pob prosiect ei werthuso mewn dau gam:

- Cam cyntaf – cynnal archwiliadau i sicrhau bod yr holl feini prawf cymhwysedd sylfaenol wedi cael eu bodloni yn Atodiad 1, gan gynnwys alinio'r prosiect â'n prif egwyddorion cyllido fel yr amlinellir yn y tabl uchod. Bydd ceisiadau / prosiectau nad ydynt yn bodloni'r holl wiriadau cymhwysedd, neu nad ydynt yn bodloni ein hamcanion strategol ar gyfer cyllid, yn cael eu gwrthod.
- Ail gam – Bydd ceisiadau sydd wedi bodloni'r holl feini prawf cymhwysedd uchod ac sy'n cyd-fynd â'n prif egwyddorion cyllido yn cael eu gwerthuso yn unol â'r meini prawf gwerthuso yn Atodiad 2. Mae hwn yn gynllun cystadleuol ac felly, oherwydd y gyllideb sydd ar gael, dim ond y prosiectau sy'n cael y sgoriau uchaf fydd yn cael eu cefnogi.
- Bydd pob cais a gwybodaeth ategol yn destun gwiriadau ariannol a phrosesau diwydrwydd dyladwy llawn. Bydd hyn yn cynnwys adolygiad o'ch rhagamcanion ariannol, archwiliad twyll, ac archwiliadau ar Gyfarwyddwyr eich cwmni.
- Lle nad oes gwybodaeth ar gael (e.e. unig fasnachwyr nad ydynt wedi'u cofrestru gyda Thŷ'r Cwmnïau) gofynnir i chi ddarparu gwybodaeth berthnasol ar wahân at y diben hwn.

- Os ydych chi'n ymwneud â busnes sydd mewn dyled i Lywodraeth Cymru, mae'n annhebygol y byddwch yn gallu gwneud cais am ragor o gyllid a dylech drafod hyn â ni cyn gwneud unrhyw gais.
- Bydd ceisiadau nad ydynt yn bodloni'r holl wiriadau cymhwysedd (gan gynnwys diwydrwydd dyladwy) yn cael eu gwrthod a rhoddir gwybod iddynt ar y cam hwn.
- Bydd ceisiadau sydd wedi bodloni'r holl feini prawf cymhwysedd ac wedi bodloni'r gwiriadau diwydrwydd dyladwy yn cael eu hasesu gan swyddogion Cymru Greadigol ac wedyn bydd y sgoriau'n cael eu dilysu gan Banel Asesu.
- Bydd prosiectau sy'n cyrraedd yr isafswm sgôr pasio yn cael eu cyflwyno i Ysgrifennydd y Cabinet dros yr Economi, Ynni a Chynllunio a'r Gweinidog Diwylliant, Sgiliau a Phartneriaeth Gymdeithasol i'w cymeradwyo. Os bydd gwerth y ceisiadau cymwys yn fwy na'r gyllideb sydd ar gael mewn unrhyw flwyddyn ariannol, bydd y ceisiadau sy'n cael y sgoriau uchaf yn cael blaenoriaeth am gymorth.
- Ar ôl derbyn cymeradwyaeth y Gweinidogion, rhoddir gwybod i'r ymgeiswyr llwyddiannus a bydd llythyrau dyfarnu'n cael eu dosbarthu.
- Bydd gofyn i ymgeiswyr anfon eu ceisiadau, cyfrifon, ffurflenni hawlio ac adroddiadau yn ddigidol, drwy e-bost, i'r cyfeiriad canlynol:
CymorthAriannuCymruGreadigol@llyw.cymru.
- Dylai ffurflenni cais gynnwys llofnodion wedi'u sganio, neu fel arall, rhaid i'r person a enwir ar y ffurflen ei hanfon o'i gyfeiriad e-bost.
- Dim ond un cais llwyddiannus y gellir ei dderbyn fesul ymgeisydd yn ystod y flwyddyn ariannol (tan 31 Mawrth 2026).

Cymeradwyaethau

Bydd ceisiadau llwyddiannus yn cael llythyr Cynnig Grant a fydd yn amlinellu manylion telerau ac amodau ein cynlluniau grant a manylion sy'n berthnasol i'r MCF. Ar ôl i'r ymgeiswyr gael y llythyr hwn, ac ar yr amod eu bod yn fodlon â'r telerau ac amodau sy'n cael eu hamlinellu yn y cynnig grant, bydd angen iddynt ei lofnodi a'i ddychwelyd atom cyn gynted â phosibl.

Byddwn yn cytuno ar yr amserlenni ar gyfer cyflawni a chwblhau'r prosiect, ynghyd ag amserlen y taliadau, gyda'r ymgeiswyr llwyddiannus.

Byddwn yn dal ati i gadw cofnod o'r allbynnau y cytunwyd arnynt i'w cyflawni am hyd at 12 mis ar ôl i'r cyfnod cyllido ddod i ben a byddant yn amod o'r cynnig grant.

Fel rhan o'n cymorth, bydd disgwyl i bob cais ddarparu adborth parhaus gyda gwybodaeth berthnasol bob mis i gefnogi'r gwaith o ddatblygu ein cronfa ddata busnes. Mae Cymru Greadigol wedi datblygu ffurflen adrodd safonol a rhoddir copi i

ymgeiswyr llwyddiannus yn y cam cynnig cyllid i gasglu'r data angenrheidiol sydd angen ei adrodd yn ôl i ni am hyd at 12 mis ar ôl diwedd y MCF.

Apelio

Mae MCF yn gronfa ddewisol heb broses apelio benodol. Rhoddir gwybod i ymgeiswyr aflwyddiannus ar ôl i ni wneud ein penderfyniad. I'ch atgoffa, mae hon yn gronfa gystadleuol gyda chyllideb gyfyngedig, felly bydd pob prosiect yn cael ei asesu a'i sgorio a dim ond y prosiectau sy'n cael y sgoriau uchaf fydd yn gallu cael eu cefnogi.

Proses hawlio ac amodau'r gronfa

Bydd y dyfarniad yn cael ei dalu ar sail gwariant sydd wedi'i dalu. Mae hyn yn golygu y bydd angen i ymgeiswyr ddangos tystiolaeth bod digon o lif arian neu arian wrth gefn ar gael i ariannu cyfanswm costau'r prosiect ar y pwynt darparu. Bydd yr hawliadau ar gyfer elfen grant Llywodraeth Cymru yn cael eu talu ar ôl cyflawni'r prosiect, hynny yw nid yw'r taliad yn cael ei wneud ymlaen llaw. [Yr hyn y mae Llywodraeth Cymru yn ei ddisgwyl gan y rhai hynny sy'n derbyn grant \[HTML\] | LLYW.CYMRU](#)

Amserlen Hawlio

Gofynnir i chi roi amserlen taliadau wedi'i chynllunio ar gyfer y cyfnod cyllido llawn ar gyfer eich prosiect rhwng 1 Ebrill 2025 a 31 Mawrth 2026. Bydd angen cyflwyno pob hawliad erbyn y dyddiad cau ar 1 Mawrth ar gyfer hawliad terfynol 2026.

Talu a Monitro

- Os bydd eich cais yn llwyddiannus, bydd angen bodloni'r amodau talu a nodir yn amserlen y llythyr cynnig
- 'Costau a Dalwyd' yw costau nwyddau rydych chi wedi talu amdanynt neu a setlir fel arall gennych chi. Bydd angen tystiolaeth o daliadau ar gyfer pob sefydliad
- Bydd ffurflenni hawlio'n cael eu hanfon ar gais ac mae modd eu cyflwyno dros e-bost i CymorthAriannuCymruGreadigol@llyw.cymru. Bydd angen darparu tystiolaeth lawn cyn gwneud unrhyw daliadau i brosiectau am ôl-daliadau. Rhoddir manylion yn eich llythyr cynnig am yr hyn y bydd angen i chi ei ddarparu wrth hawlio
- Bydd y taliad yn cael ei wneud 4 diwrnod gwaith ar ôl iddo gael ei gymeradwyo.

Monitro ar ôl Cwblhau

Byddwn yn dal ati i gadw cofnod o'r allbynnau y cytunwyd arnynt i'w cyflawni am hyd at 12 mis ar ôl i'r cyfnod cyllido ddod i ben a byddant yn amod o'r cynnig grant. Mae Llywodraeth Cymru wedi ymrwmo i werthuso llwyddiant y grant hwn ac mae'n bwriadu cynnal gwerthusiad mewnol o'r MCF. Rhagwelir y bydd yr ymchwil hon yn archwilio gweithrediad ac effaith y gweithgareddau a gyflawnwyd. Bydd yn asesu i ba raddau mae modd priodoli'r allbynnau a'r canlyniadau'n uniongyrchol i

weithgareddau'r cynllun ac yn archwilio a wireddwyd effeithiau ehangach a ragwelwyd neu nas rhagwelwyd.

Efallai y bydd Llywodraeth Cymru neu drydydd parti a fydd yn gweithredu ar ran Llywodraeth Cymru yn cysylltu â chi at ddibenion ymchwil a gwerthuso a/neu i chi roi adborth ar eich profiad o'r cynllun. Bydd yr wybodaeth hon yn cael ei dadansoddi a'i chyflwyno'n ddienw yn unol â'r Hysbysiad Preifatrwydd.

Ad-dalu Grantiau

Dylai ymgeiswyr nodi y gall Llywodraeth Cymru fynnu bod y grant yn cael ei ad-dalu'n llawn neu'n rhannol os nad yw'r arian yn cael ei ddefnyddio at y dibenion a nodir ar y ffurflen gais. Mae'r ymgeisydd yn ymrwymo i gytundeb, a gorfodir hyn drwy ofyn am brawf ar ôl dyfarnu'r grant.

Y Contract Economaidd

Addunedau'r Contract Economaidd a Gwaith Teg

Mae'r Contract Economaidd yn ymrwymiad i ddarparu buddsoddiad cyhoeddus sy'n blaenoriaethu anghenion cymdeithasol ac amgylcheddol Cymru ar yr un pryd ag adeiladu economi llesiant fwy cydnerth a ffyniannus. Wrth galon ein dull gweithredu Rhywbeth am Rywbeth, mae cytundeb rhwng Llywodraeth Cymru a busnesau ar y camau y bydd y naill ochr a'r llall yn eu cymryd sy'n cyfrannu at fynd i'r afael â'r heriau sydd o'n blaenau ac i wella bywydau pobl ar hyd a lled Cymru.

Cyhoeddusrwydd

Bydd angen i bob cais llwyddiannus:

- Gytuno i gael ei gynnwys yn yr holl ddeunydd cyhoeddusrwydd, deunydd marchnata a datganiadau i'r wasg y byddwn yn eu cynhyrchu.
- Fel amod cyllido, byddwch yn cytuno i ymgymryd â hyd at dair blynedd o gyhoeddusrwydd ar y cyd â Cymru Greadigol a gofynnir i chi ddarparu cronfa o ddelweddau a fideos, gyda hawliau perthnasol gan y prosiect i ni eu defnyddio yn y wasg ac mewn cyhoeddusrwydd. Dylid trafod unrhyw faterion yn ymwneud â hyn gydag aelod o dîm Cymru Greadigol. Bydd ymgeiswyr llwyddiannus yn cael eu hysbysu cyn rhyddhau'r deunydd yn gyhoeddus
- Hoffem ychwanegu ein holl ymgeiswyr at ein cronfa ddata marchnata i wneud yn siŵr eich bod yn cael gwybodaeth amserol am gyfleoedd cymorth pellach gan Cymru Greadigol, ond nid yw hyn yn un o amodau'r cyllid
Bydd disgwyliad hefyd y bydd ymgeiswyr llwyddiannus yn rhannu delweddau perthnasol a deunyddiau cyhoeddusrwydd â Cymru Greadigol i ni eu defnyddio yn ôl yr angen.

Y Gymraeg

Mae Llywodraeth Cymru wedi ymrwymo i hyrwyddo ac i ddatblygu'r Gymraeg. Mae'r diwydiannau creadigol yn chwarae rhan allweddol drwy gyfrannu at flaenoriaethau Llywodraeth Cymru ar gyfer y Gymraeg a'r targed o filiwn o siaradwyr Cymraeg erbyn 2050 fel y nodir yn Cymraeg 2050. Rydym yn croesawu ceisiadau ar gyfer

prosiectau sy'n cefnogi ein huchelgeisiau ac yn manteisio i'r eithaf ar gyfleoedd i hyrwyddo'r Gymraeg. Mae blaenoriaethau iaith Gymraeg yn un o'r amrywiol feysydd y byddwn yn eu hystyried fel rhan o'n hasesiad o addasrwydd strategol wrth adolygu prosiectau.

Deddf Llesiant Cenedlaethau'r Dyfodol (Cymru) 2015

Mae amcanion y Ddeddf yn dangos sut bydd pob corff cyhoeddus yn gweithio i gyflawni'r weledigaeth ar gyfer Cymru a nodir yn y 'nodau llesiant'. [Mae'r saith nod llesiant](#) yn dangos y Gymru yr hoffem ei gweld. Mae'r Ddeddf yn ei gwneud yn glir bod yn rhaid i'r cyrff cyhoeddus a restrir weithio i gyflawni'r holl nodau, nid dim ond un neu ddau. Bydd nodi ac egluro sut mae eich prosiect yn cyflawni'r nodau hyn yn bwysig wrth asesu'r cais.

Hysbysiad Preifatrwydd

Llywodraeth Cymru yw'r Rheolydd Data ar gyfer unrhyw wybodaeth rydych chi'n ei darparu. Mae manylion llawn ein polisi preifatrwydd ar gael ar [dudalen yr Hysbysiad Preifatrwydd](#).

Bydd yr wybodaeth a roddwch yn gymorth i ddatblygu cronfa ddata o fusnesau. A fydddech cystal â chadarnhau yn yr adran ar eich ffurflen gais eich bod yn fodlon bwrw ymlaen ar y sail hon er mwyn i chi allu parhau i gael cymorth a chynghor gan Lywodraeth Cymru.

Gwnewch yn siŵr eich bod wedi darllen, deall a derbyn y 'Nodiadau Cyfarwyddyd' a'r 'Hysbysiad Preifatrwydd' **cyn** i chi ddechrau'r cais.

Atodiad 1

Meini Prawf Cymhwysedd

Bydd ceisiadau'n cael eu hasesu yn y lle cyntaf yn erbyn y meini prawf cymhwysedd canlynol.

Bydd ceisiadau nad ydynt yn bodloni'r holl feini prawf cymhwysedd yn cael eu gwrthod yn awtomatig ac ni fyddant yn symud ymlaen i'r cam gwerthuso.

Meini Prawf Cymhwysedd	• Rhaid i'r cais ddod gan fusnes cerddoriaeth yng Nghymru – a lle mai'r prif swyddogaeth yw cynnal, hyrwyddo, recordio neu ymarfer cerddoriaeth fyw (ond lle nad celfyddydau sy'n cael cymhorthdal yw'r prif fath o cerddoriaeth). • Rhaid bod y prosiect yn cyfrannu'n uniongyrchol neu'n anuniongyrchol at hyrwyddo, cynnal ac ati gerddoriaeth fyw. • Rhaid i'r ymgeiswyr fod yn berchnogion ar yr eiddo dan sylw neu, os ydynt yn denantiaid, rhaid iddynt gael caniatâd y perchnogion i wneud y gwaith. • Rhaid i'r prosiect gael ei gyflawni erbyn 28 Chwefror 2026. • Rhaid bod â phencadlys yng Nghymru yn y sector Cerddoriaeth cymwys; • Rhaid i'r cais gael ei wneud gan y busnes. • Os oes perygl bod y busnes ar fin cau, nid yw'r busnes yn gymwys i wneud cais. • Rhaid i ymgeiswyr fod yn fusnesau neu'n elusennau cofrestredig sydd wedi bod yn masnachu am o leiaf 12 mis. • Rhaid bod wedi cofrestru at ddibenion TAW os yw trosiant y busnes yn fwy na £90,000, neu fod yn sector sydd wedi'i eithrio rhag TAW. Ceir manylion am eithriadau rhag TAW yn: https://www.gov.uk/guidance/vat-exemption-and-partial-exemption
------------------------	--

Atodiad 2

Meini Prawf Gwerthuso

Bydd angen i brosiectau fodloni'r egwyddorion cyllido a nodir uchod er mwyn symud i'r ail gam i'w hasesu yn erbyn y meini prawf canlynol:

	Meini Prawf Gwerthuso	Sgôr
1	Cydweddu Strategaethau • Cydweddu â'r egwyddorion cyllido cyffredinol. • A yw eich prosiect yn sicrhau'r manteision mwyaf posibl i Gymru, gan gynnwys manteision economaidd? • A yw eich prosiect yn cyflawni ein blaenoriaethau ar gyfer y diwydiannau creadigol yng Nghymru?	/5
2	Ansawdd y prosiect • Ansawdd cyffredinol y cais. • Gofynnir i chi ddangos sut bydd y prosiect yn cyd-fynd ag Addunedau'r Contract Economaidd a pholisi Gwaith Teg Llywodraeth Cymru. • Yn cyd-fynd â Rhaglen Lywodraethu Llywodraeth Cymru a Llesiant Cenedlaethau'r Dyfodol. • Arloesi.	/5
3.	Tystiolaeth o'r Angen • Pam fod angen cyllid gan Lywodraeth Cymru er mwyn bwrw ymlaen â'r prosiect hwn? e.e. Pam mae angen y cyllid arnoch chi? A fydd yn cyflymu'r prosiect? A fyddai'n digwydd heb gymorth?	/5
4.	Risgiau o ran y prosiect a'i chyflawni Ansawdd yr wybodaeth a ddarperir ar gyfer: • Tîm Rheoli. • Risg i asedau'r prosiect. • Risgiau'r Prosiect. • Statws caniatâd cynllunio (os yw'n berthnasol).	/5
5.	Canlyniadau'r Prosiect • Ansawdd targedau'r prosiect. • Allbynnau ac elfennau i'w cyflawni, a ddefnyddir i fesur llwyddiant y prosiect. • Gwybodaeth manwl am sut bydd y rhain yn cael eu mesur.	/5
6.	Costau'r Prosiect a Gwerth am Arian • Mae'r cynnig cyffredinol yn cynrychioli gwerth am arian. • Mae'r gweithgareddau a'r costau cysylltiedig yn cynrychioli gwerth realistig a'r gwerth gorau. • Costau'r prosiect, dyfynbrisiau. • Buddion disgwylidig yn gymesur â chostau. • Y gallu i gael effaith ar y sector dros gyfnod hirach o amser. • Prawf o arian cyfatebol os oes angen.	/5
	Cyfanswm Terfynol	/30